

韋蘇州集

二

韋蘇州集

第二冊



韋蘇州集卷第四

蘇州刺史韋

應物

送別

李五席送李主簿歸西臺

請公嚴程盡西歸道路寒欲陪鷹隼集猶戀鶴
鶴中各邑人全少高高雪尚殘滿臺誰不故報

我知微官

送崔相州頃任內黃令

禮樂傳家一英家燕趙風驅雞嘗理邑走馬却

我戎白刃千夫闢黃金四海同嫖姚恩顧下諸

將指揮中別路怜芳草歸心伴塞鴻鄴城新

滿魏帝舊臺空望闕應懷戀遭時貴立功萬

如已靜何處欲輸忠

送宣城路錄事

江上宣城郡孤舟遠到時雲林謝家宅山水敬

亭祠網紀多閑日觀遊得賦詩都門且盡醉此

別數年期

送李十四山東遊一作山人東遊

聖朝有遺逸披膽謁至尊豈是買榮寵誓將救

元元權豪非所便書奏寢禁門高歌長安酒忠

憤不可吞歎來客河洛日與靜者論濟世翻小事
丹砂駐精魂東遊無復繫梁楚多大蕃高論
動侯伯踈懷脫塵喧送君都門野飲我林中樽
立馬望東道白雲滿梁園踟躕欲何贈空是平
生言

送李二歸楚州

時李季弟牧楚州被訟赴急

情人南楚別復詠在原詩忽此嗟歧路還令泣
素絲風波朝夕遠音信往來遲好去扁舟客青
雲何處期

送閻宋赴東川辟

冰炭俱可懷孰云熱與寒何如結髮友不得携
手懽晨登嚴霜野送子天一端襍承簡書日命偏
仰豸角冠上陟白雲嶠下冥玄壑淵離群自去
託歷險得所安當念及窮巷登朝成慨嘆

送令狐岫宰恩陽

大雪天地閉群山夜來晴居家猶苦寒子有千
里行行行安得辭荷此蒲璧榮賢豪爭追攀飲
餞出西京樽酒豈不懽暮春自有程離人起視
日僕御促前征逶遲歲已窮當造巴子城和風
被草木江水日夜清從來知善政離別慰友生

送馮著受李廣州署為錄事

鬱鬱楊柳枝蕭蕭征馬悲送君灞陵岸糾郡南海涓名在翰墨場群公正追隨如何從此去千里萬里期大海吞東南橫嶺隔地維建邦臨日域温燠御四時百國共臻奏珍竒獻京師富豪虞興戎繩墨不易持州伯荷天寵一作龍選還當翊丹墀子為門下生終始豈見遺所願酌貪泉心不為磷緇上將翫國士下以報渴飢

送元倉曹歸廣陵

官閑得去住告别戀音徽一作輝舊國應無業他

鄉到是歸楚山明月滿淮甸夜鍾微何處孤舟泊遙遙心曲違

送唐明府赴溧水三任縣事

三為百里宰已過十餘年祇歎官如舊旋聞邑屢遷魚鹽濱海利薑蔗傍湖田到此安暇俗琴堂又晏然

喜於廣陵拜覲家兄奉送發還池州

青青連枝樹苒苒久別離客遊廣陵中俱到若有期俯仰叙存歿哀腸發酸悲收情且為歡累日不知飢夙駕多所迫復當還歸池長安三千

里歲晏獨何為南出登閭門驚飈左右吹所別
諒非遠要令心不怡

送章八元秀才擢第往上都應制

決勝文場戰已酣行應辟命復才堪旅食不辭
遊關下春衣未換報江南天邊宿鳥生歸思關
外晴山滿夕嵐立馬欲從何處別都門楊柳正
毵毵

送張侍御秘書江左覲省

莫歎都門路歸無駟馬車繡衣猶在篋芸一作蓬
閣已觀書沃野收紅稻長江釣白魚晨飡亦可

少章四

四

薦名利欲何如薦作藜

賦得鼎門送盧耿赴任

名因定鼎地門對鑿龍山水北樓臺近城南車
馬還稍開芳野靜欲掩暮鍾閑去此無嗟屈前
賢尚抱關

賦得浮雲起離色送鄭述誠

游子欲言去浮雲那得知偏能見行色自是獨
傷離晚帶城遙暗秋生峯尚竒還因朔吹斷水
馬與相隨

餞雍聿之潞州謁李中丞

鬱鬱雨相遇出門草青青酒酣拔劍舞慷慨送
子行驅馬涉大河日暮懷洛京前登太行路志
士亦未平薄遊五府都高步振英聲主人材且
賢重士百金輕絲竹促飛觴夜醺達晨星娛樂
易淹暮諒在執高情

上東門會送李幼舉南遊徐方

離絃既罷彈罇酒亦已闌聽我歌一曲南徐在
雲端雲端雖云邈行路本非難諸侯皆愛才公
子遠結歡濟濟都門宴將去復盤桓姿何昂
昂良馬遠遊冠意氣且為別由來非所嘆

送洛陽韓丞東遊

仙鳥何飄颻綠衣翠為襟顧我差池羽咬咬懷
好音徘徊洛陽中遊戲清川潯神交不在結歡
愛自中心駕言忽徂征雲路邈且深朝遊尚同
啄夕息當異林出餞宿東郊列筵屬城陰舉酒
欲為樂憂懷方沉沉

送鄭長源

少年一相見一作得飛轡河洛間歡遊不知罷中
路忽言還泠泠鷗絃哀悄悄冬夜閑文士雖耿
介遠別多苦顏君行拜高堂速駕難久攀雞鳴

儔侶發朔雪滿河關
須臾在今夕
樽酌且循環

送李儋

別離何從生
乃在親愛中
反念行路子
拂衣自西東
日具不留宴
嚴車出崇墉
行遊一作非所
樂端憂道未通一作端處
春野百卉發
清川思無窮
芳時坐離散
世事誰可同
歸當掩重關
默默想音容

賦得暮雨送李胄一作清

楚江微雨裏
建業暮鍾時
漠漠帆來重
冥冥鳥去遲
海門深不見
浦樹遠含滋
相送情無限
沾

襟比散絲

留別洛京親友

握手出都門
駕言適京師
豈不懷舊廬
惆悵與子辭
麗日坐高閣
清觴醺華池
昨遊倏已過
後遇良未知
念結路方永
歲陰野無暉
單車我當前一作去
暮雪子獨歸
臨流一作去
漸遙一作去
一相望
零淚忽沾衣

賦得沙際路送從叔象

獨樹沙邊人跡稀
欲行愁遠暮鍾時
野泉幾處侵應盡
不遇山僧知問誰

送榆次林明府

無嗟千里遠亦是宰王畿策馬雨中去逢人關
外稀邑傳榆石在路遶晉山微別思方蕭索新
秋一葉飛

雜言送黎六郎壽陽公之子

冰壺見底未為清少年如玉有詩名聞話嵩峯
多野寺不嫌黃綬尚陽城朱門嚴訓朝辭去騎
出東郊滿飛絮河南庭下拜府君陽城歸路山
氣氤氳山氣氤氳長不見釣臺水淥荷已生少姨廟
寒花始徧縣閑吏傲與塵隔移竹疏泉常岸幘
莫言去作折腰官豈似長安折腰客

天長寺上方別子西有道

時在東京兆府功曹攝高陵

率別田曹盧州戶曹韓質因而有作

假色非拙素况乃別伊人聊登釋氏居携手戀

一作茲晨高曠出塵表逍遙灑心神青山對芳

苑列樹遶一作盈通津車馬無時絕行子倦風塵

今當遵往路佇立欲何申唯持貞白志以慰心

所親

送黎六郎赴陽翟少府

吏向嵩陽春山躑躅芳腰垂新綬色衣滿舊

止云香喬樹別時綠客程關外長
祗應傳善政日夕慰高堂

送別覃孝廉

思親自當去不第未蹉跎
家住青山下門前芳草流一作水
多秭歸通遠徼巫峽注驚波
州舉年年事還期復幾何

送開封盧少府

雄藩車馬地作尉有光輝
蒲席賓常侍闐街燭夜歸
關河征旆遠煙樹夕陽微
到處無留滯梁園花欲稀

送槐廣落第歸揚州

下第常稱屈少年心獨輕
拜親歸海畔似舅得詩名
晚對青山別遙尋芳草行
還期應不遠寒露濕蕪城

送汾城王主簿

少年初帶印汾上又經過
芳草歸時徧情人故郡多
禁鍾春雨細宮樹野煙和
相望東橋別微風起夕波

送澗池崔主簿

昆帶洛陽道年年應此行
當時匹馬客今日

人迎暮雨投關郡春風別帝城東西殊不遠朝
夕待佳聲

送顏司議使蜀訪圖書

輶駕一封急傳一作蜀門千嶺曠詎分江轉字但
見路緣雲山館夜聽雨秋猿獨叫群無爲久留
滯聖主待遺文

奉送從兄宰晉陵

東郊暮草歇千里夏雲生立馬愁將夕看山獨
送行依微吳苑樹迢遞晉陵城慰此斷行別邑
人多頌聲

六十四

卷四

方

贈別河南李功曹宏辭登科拜官

耿耿抱私戚寥寥獨掩扉臨觴自不飲况與故
人違故人方琢磨瓌朗代所稀憲禮更右職文
翰灑天機聿一作揭來自東山群彥仰餘輝談笑
取高第縮綬即言歸洛都遊燕地千里及芳菲
今朝章臺別楊柳亦依依雲霞未改色山川猶
夕暉忽復不相見心思亂霏霏

送五經趙隨登科授廣德尉

明經有清秩當在石渠中獨往宣城郡高齋謁
謝公寒原正蕪漫一作沒夕鳥自西東秋日不

別淒淒多朔風

宴別勿遐與君貺兄弟

乖闕一作意方一作弭安知忽來翔累日重歡

宴一日復離傷置酒慰茲夕秉燭坐華堂契闊

未及展晨星出東方征人慘已辭車馬儼成一作

來裘我懷自無歡原野滿春光一作群水含時

澤野雉鳴朝陽平生有壯志不覺淚霑裳况自

守空宇日夕但彷徨

送宣州周錄事

清時重儒士糾郡屬伊人薄遊長安中始得一

三五

章四

十

交親英豪若雲集餞別塞城闈高駕臨長路日

夕起風塵方念清宵宴已度芳林春從茲一分

手緬邈吳與秦但覩年運馭安知後會因唯當

存令德可以解惰勤

謝櫟陽令歸西郊贈別諸友生

結髮仕一作州縣蹉跎在文墨徒有排雲心何

由生羽翼幸遭明盛日萬物蒙生植獨此抱微

痾頽然謝斯職大歷十四年六月二十三日自

福精舍七月二十日賦此詩世道方荏苒郊園思偃息為歡

日已延君子情未極馳鯨一作馳勿心云晏高論良

兼溟遊步清都宮迎風嘉樹側晨起西郊道原
野分黍稷自樂陶唐人服勤在微力佇君列丹
陛出處兩為得

送端東行

世承清白遺一作世事躬服古人言從官俱守
道歸來共閉門驅車何處去暮雪滿平原

送姚孫還河中孫一作系

上國旅遊罷故園生事微風塵滿路起行人何
處歸留思芳樹飲惜別暮春暉幾日投關郡河
山對掩扉

始除尚書郎別善福精舍建中二年四月十九日自

前樂陽令除尚書比部員外郎

簡略非世器委身同草不道遙精舍居飲酒白
為足累日曾一櫛對書常懶讀社臘會高年山
川恣遊矚明世方選亡中朝懸美祿除書忽到
門冠帶便拘束愧忝郎署跡謬蒙君子錄俯仰
垂華纓飄飄翔輕轂行將親愛別憇此西澗曲
遠峯明夕川夏雨生衆綠迅風飄野路一作吹
迴首不遑宿明晨下煙閣白雲在幽谷

送常侍御却使西蕃

歸奏聖朝行萬里却銜天詔報蕃臣本是諸公
守文墨今將匹馬靜煙塵旅宿關河逢暮雨春
耕亭鄣識遺民此去多應收故地寧辭沙塞往
來頻

送郝詹事

聖朝列群彥穆穆佐休明君子獨知止懸車守
國程忠良信舊德文學播英聲旣獲天爵美況
將齒位并書奏蒙省察命駕乃東征皇恩賜印
綬歸爲田里榮朝野同稱嘆園綺鬱齊名長衢
軒蓋集飲餞出西京時屬春陽節草木已含英
洛川當盛宴斯焉爲達生

送蘇評事

季弟仕譙都元兄坐蘭省言訪始忻忻念離當
耿耿嗟峨夏雲起迢遰山川永登高望去塵紛
思終難整一作

送李侍御益赴幽州幕

二十揮篇翰三十窮典墳辟書五府至方口爲四
海聞始從車騎幕今赴嫖姚軍契闊晚相遇草
感遽離群悠悠行子遠眇眇川塗分登高望燕
代日夕生夏雲司徒擁精甲誓將除國氛儒生

三
功勳無言羽書
急坐闕相

自尚書郎出為滁州刺史留別朋友

少年不遠仕秉笏東西京中
守淮郡奉命乃
征行素艱省閣姿况忝符竹
不効愚方此始顧
私豈獲并徘徊親交戀愴恨
比友情日暮風雪
起我夫于還城登塗建隼旗
勿駕望承明雲臺
煥中天龍闕鬱上征晨興奉
一朝從此去服膺理庶曠
皇恩儻歲月歸復廁
群英

送元錫楊凌

荒林翳山郭積水成秋晦
居意自違况別親
與愛歡筵慊未足離燈悄
對還憐掩郡閣佇
君方此會

送楊氏女

永日方感感出門復悠悠
女子今有行大江沂
輕舟爾輩况無恃撫念益
慈柔幼為長所育幼女
為楊氏所撫育
兩別泣不休對此
結中腸義往難復留
自小闕內訓言早事姑貽
我憂賴茲託令門仁
恤庶無尤貧儉誠所尚資
從豈待一作周孝恭
遵婦道容止順其猷別離
在今晨見爾當何秋

居閑始自遣臨感勿難收歸來視幼女零淚
纓流

送中弟 一云送崔蕭懿

秋風一作氣入疎戶離人起晨朝山郡多風雨西
樓更蕭條嗟予淮海老送子關河遙同來不同
去沉憂寧復消

寄別李儋

首戴惠文冠心有決勝筭翩翩四五騎結束向
并州名在相公墓一作并丘山恩未酬妻子不及
顧親友安得留宿昔同文翰交分共綢繆忽枉

別離札涕淚一交流遠郡卧殘疾一作雨涼氣滿

西樓想子臨長路時當淮海秋

送倉部蕭員外院長存

襜被蹉跎老江國情人邂逅此相逢不隨鴛鴦
朝天去遙想蓬萊臺閣重

送王校書

同宿高齋換時節共看移石塔及栽杉送君江浦
已惆悵更上西樓望遠帆

送丘員外還山

長棲白雲表斷訪高齋宿還即郡品前跡泛八

江渌結茅隱蒼嶺伐薪響深谷同是山中人不
知往來躅靈芝非庭草遼鶴委一作池鷺終當
畧里門一表高陽族

奉詔使君送歸山之作 丘丹

側聞郡守至偶乘黃犢出不別桃源人一見經
累日蟬鳴念秋稼蘭酌動離瑟臨水降麾幢野
艇纔容膝參差碧山路日一作送江帆疾涉海
得驪珠棲梧斬鳳質媿非鄭公里歸掃蒙籠室
重送丘二十二還臨平山居

歲中始再覲方來又解携纔留野艇語已憶故

三九三

九平四

十五

山棲幽澗人夜汲深林鳥長啼還持郡齋酒慰

子一作霜露淒

奉詔重送歸山 丘丹

賣藥有時至自知往來踈遽辭池上酌新得山
中書步出芙蓉府歸乘轂餽車猥蒙招隱作豈
媿班生廬

送鄭端公弟移院常州

時瞻憲臣重禮為內兄全公程儻見責私愛信
不憊況昔陪朝列今茲俱海壖清觴方對酌一作
笑天書易忍告遷豈徒咫尺地使我心思綿應當

自此始歸拜雲臺前

送房杭州孺復

專城未四十暫謫豈蹉跎風雨具門夜測愴別情多

送陸侍御還越

居藩久不樂遇子聊一欣英聲頗籍甚交辟迺時珍繡衣過舊里驄馬輝四鄰一作輝光敬恭尊郡守箴簡具州民謬忝誠所媿思懷方見申置榻宿清夜加邊醮良辰遵塗還盛府行舫遠長津自有賢方伯得此文翰賓

二十七

廿年四

十六

聽江笛送陸侍御同丘貞外賦題

遠聽江上笛臨觴一送君還愁獨宿夜更向郡齋聞

同前

丘丹

離樽聞夜笛寒亮入寒城月落車馬散悽惻王八情

送丘貞外歸山居

郡閣始嘉宴青山憶舊居為君量車履且願住監舉

送崔叔清遊越

忘茲適越意愛我郡齋幽野情豈好謁詩興一
相留遠水帶寒樹闔門望去舟方伯憐文士無
為成滯遊

送雲陽鄒儒立少府侍奉還京師

建中即藩守天寶為侍臣歷觀兩都士多閱諸
侯人鄒生乃後來英俊亦罕倫為文頗環麗稟
度自貞醇甲科推令名延閣播芳塵再命趨王
畿請告奉慈親一鍾信榮祿可以展歡欣昆弟
俱時秀長衢當自伸聊從郡閣暇美此時景新
方將極娛宴已復及離辰一云燕後乃離省署

卷四

十五

慙再入江海綿十春今日閭門路握手子歸秦

送豆盧策秀才

歲交冰未泮一作冰始泮地卑海氣昏子有京

師遊始發吳閭門新黃含遠林微綠生陳根詩
人感時節行道憂煩古來濩落者俱不事田
園文如金石韻豈乏知音言方辭郡齋榻為作
已酌離亭罇無為倦羈旅一去高飛翻

送王卿

別酌春林啼鳥稀雙旌背日晚風吹却憶回來
花已盡東郊立馬望城池

送劉評事

聲華滿京洛，藻翰發陽春。未遂鸚鵡舉，尚爲江海賓。吳中高宴罷，西上一遊秦。已想函關道，遊子冒風塵。寵禽羨歸翼，遠守懷交親。况復歲云暮，凜凜冰霜辰。旭霽開郡閣，龍餞集文人。洞庭摘朱實，松江獻白鱗。丈夫豈恨別，一酌且歡忻。

送雷監赴闕庭

才大無不備，出入爲時須。雄藩精理行，祕府擢文儒。詔書忽已至，焉得久踟蹰。方舟赴朝謁，觀者盈路衢。廣筵列衆賓，送爵無停迂。攀餞誠愴恨，一作賀榮且歡娛。長陪栢梁宴，日向丹墀趨。時方重右職，蹉跎獨海隅。

送秦系赴潤州

近作新婚鑷，白髯長懷舊。卷映藍衫更，欲携君虎丘。寺不知方伯，望征帆。

韋蘇州集卷第四

蘇州集卷第五

蘇州刺史韋

應物



酬荅

期盧嵩在書稱日暮無馬不赴以詩荅
佳期不可失終願在衡門南陌人猶度西林日
未昏庭前空倚杖花裏獨留罇莫道無來駕知
君有短轅

任洛陽丞荅前長安田少府問

相逢且對酒相問欲何如數歲猶畀吏家人笑
著書告歸應一作今未得榮官又知踈日日生春

草空令憶舊居

假中在盧二十二書亦稱卧疾兼訝李

二久不訪問以詩荅書因亦戲李二

微官何事勞趨走服藥閑眠養不才花裏碁盤
憎鳥汙枕邊書卷訝風開故人問訊緣同病芳
月相思阻一盃應笑王戎成俗物遙持麈尾獨
徘徊

酬盧嵩秋夜見寄五韻

喬木生夜涼月華蒲前墀去君咫尺地勞君千
里一作萬思素秉棲遁志沈貽招隱詩坐見林

榮一云坐損願赴滄洲期何能待歲晏携三

此時盧詩云歲晏以為期之句

謝鄭戶曹驪山感懷

蒼山何鬱盤飛閣凌上清先帝昔好道下元朝
百靈白雲已蕭條麋鹿但縱橫泉水今尚暖舊
林亦青青我念綺襦歲扈從當太平小臣職前
驅馳道出灞亭翻翻日月旗殷殷鼙鼓聲萬馬
自騰驤八駿案轡行日出煙嶠綠氛氲麗層雲
登臨起遐想沐浴懽聖情朝燕詠無事時
國禎日和絃管音下使萬室聽海內漢朝貞賢

二六一 卷五

愚共歡榮合沓車馬喧西閨長安城事往世如
寄感深迹所經申章報蘭藻一望雙涕零

答李潛二首

孤客逢春暮緘情寄舊遊海隅人使遠書到洛
陽秋

馬卿猶有磴漁父自無家想子今何處扁舟隱
蒹花

林中觀易罷溪上對鷗閑楚俗饒辭客何人最
往還

酬柳郎中春日歸揚州南郭見別之作

廣陵三月花正開，花裏逢君醉一迴。
南北相過殊不遠，暮潮從去早潮來。

酬且盧倉曹題庫壁見示

掾局勞才子，新詩動洛川。
運籌知決勝，聚米似論邊。
宴罷常分騎，晨趨又比肩。
莫嗟年鬢改，郎署定推先。

酬李儋

開門臨廣陌，旭日車駕喧。
不見同心友，徘徊憂且煩。
都城二十里，居在良與坤。
人生所各務，乖隔累朝昏。
湛湛罇中酒，青青樹園緘。
情未及發先，此在璵璠邁。
世超一作高躅，尋流得真源。
明當策疲馬，與子同笑言。

酬元偉過洛陽夜燕

三載寄關東，所懽皆遠違。
思懷方耿耿，忽得觀容輝。
親燕在良夜，歡携闈中闈。
問我猶杜門，不能奮高飛。
明燈照四隅，炎炭正可依。
清觴雖云酌，所媿乏珍肥。
晨裝復當行，寒落星已稀。
何以慰心曲，佇子西還歸。

酬韓質舟行阻凍

最坐枉嘉藻，持此慰寢興。
中獲辛苦奏，長河結

陰冰皓曜群玉發淒清孤景凝道至柔反成
堅造化安可恒方舟未得行鑿飲空兢兢苦寒
彌時節待泮豈所能何必涉廣川荒衢且升騰
殷勤宣中意庶用達吾朋

李博士弟以余罷官居同德精舍共有
伊陸名山之期久而未去枉詩見問
中云宋生昔登覽末云那能顧蓬

直寄鄙懷聊以為荅

初夏息衆綠雙林對禪客枉茲芳蘭藻促我幽
人策冥搜企前哲逸句陳往迹謝靈運詩江南迢
遞千峯碧從來遲高駕自顧無物效山水心所
娛如何更朝夕晨興涉清洛訪子高陽宅莫言
往來踈駑馬知阡陌

寄訓李博士永寧主簿叔廳見待

解鞅先幾日款曲見新詩定向公堂醉遇憐獨
去時葉霑寒雨落鍾度遠山遲晨策已云整當
同林下期

荅令狐士曹獨孤兵曹聯騎暮歸望山

見寄

共愛青山住近南行牽吏役背雙鞅枉書獨宿

對流水遙羨歸時滿夕嵐

答李博士

休沐去人遠高齋出林杪晴山多瑁峯顯氣疑
秋曉端居喜良友枉使千里路緘書當夏時開
緘時已度簷鸞已飄颺荷露方蕭颯夢遠竹窓
幽行稀蘭徑合舊居共南北往來只如昨問君
今為誰日夕度清洛

答劉西曹時為京兆功曹

公館夜云寂微涼群樹秋西曹得時彥華月共
淹留長嘯舉清觴志氣誰與儔千齡事雖邈俯

二八

書

五

念忽已周篇翰如雲與京洛頗優遊詮文不獨
占理妙即同流淺劣見推許恐為識者尤空慙
文璧贈口夕不能酬夕一作交

答貢士黎逢時任京兆功曹

茂等一作方上達諸生安可希栖神澹物表渙

汗布令詞如彼崑山玉本自有光輝鄙人徒區
區稱嘆亦何為彌月曠不接公門但一作驅馳
蘭章忽有贈持用慰所思不見心尚密一作微密
况當相見時

答韓庫部協

良玉表貞度，麗藻頗為工。名列金閨籍，心與素士同。日晏下朝來，車馬自生風。清宵有佳興，皓月直南宮。矯翮方上征，顧我遑忡忡。豈不願攀舉，執事府庭中。智乖時亦寡，才大命有一作鳥通。還當以道推，解組守蒿蓬。

答崔主簿倬

朗月分林霽，遙管動離聲。故驩良已阻，空宇澹無情。窈窕雲鴈沒，蒼茫河漢橫。蘭章不可答，沖襟徒自盈。

答徐秀才

鈇鈍謝貞器，時秀猥見稱。豈如白玉仙，一作仙方與紫霞升。清詩舞艷雪，孤抱望玄冰。一枝非所貴，懷書思一作武武陵。一作云懷書且茂陵

答東林道士

紫閣西邊第幾峯，茅齋夜雪虎行蹤。遙看黛色知何處，欲出山門尋暮鍾。一作欲向西山尋暮鍾

答長寧令楊轍

皓月升林表，公堂滿清輝。嘉賓自遠至，餽飲夜何其。宰邑視京縣，歸來無寸資。瓊文溢眾寶，雜一作芳正得吾師。廣川含澄澗，茂一作芳樹擢華滋。短才

何足數狂贈媿妍詞歡晤良見屬素懷亦已披
何意雲栖翰不嫌蓬艾卑但恐河漢沒回車首
路岐

荅馮魯秀才

晨坐枉瓊藻知子返中林澹然山景晏泉谷響
幽禽髮髣謝塵跡逍遙舒道心顧我腰間綬端
爲華髮侵簿書勞雁對篇翰曠不尋薄田失鋤
耨生苗安可任徒令慙所問想望東山岑

荅崔主簿問兼簡溫上人

緣情生衆累晚悟依道流諸境一已寂了將身
出滓閑居澹無味忽復四時周靡靡芳草積稍
稍新篁抽即此抱餘素塊然誠寡儔自適一忻
意愧蒙君子憂

清都觀艾芻遐

逍遙仙家子日夕朝玉皇興高清算露沒渴飲瓊
華漿解組一來款披衣拂天香粲然顧我笑綠
簡發新章泠泠如玉音一作響馥馥若蘭芳浩意
坐盈此月華殊未央却念誼譁日何由得清涼
踈松抗一作枕高殿密竹陰長廊榮名等糞土携

隨風翔

善福精舍答韓司錄清都觀會宴見
弱志厭衆紛抱素寄精廬皦皦仰時彥悶悶
獨爲愚之子亦辭秩高蹤罷馳驅忽因西飛禽
贈我以瓊琚始表仙都集復言歡樂殊人生各
有因契闊不獲俱一來田野中日與人事疎水
木澄秋景逍遙清賞餘枉駕懷前諾引領豈斯
須一作須臾無爲便高翔邈矣不可迂

答長安丞裴稅

出身忝時士於世本無機爰以林壑趣遂成頑
鈍姿臨流意已淒采菊露未稀舉頭見秋山萬

五五

事都若遺獨踐幽人蹤邈將親友違髦士佐京
邑懷念狂貞詞久雨積幽抱清罇宴良知從容
操劇務文翰方見推安能戢羽翼顧此林栖時

奉酬處士叔見示

挂纓守貧賤積雪卧郊園叔父親降趾壺觴携
到門高齋樂燕罷清夜道心存即此同疎氏可
以一忘言

答庫部韓郎中

高士不羈世頗將榮辱齊適委華冕去欲還幽
林栖雖懷承明戀忻與物累睽逍遙觀運流誰

後識端倪而我豈高一作能致偃息平門西思
世所遺沮溺共耕犁風雪積深夜園田掩荒蹊
幸蒙相思札款曲期見携

荅暢校書當

偶然弃官去投跡在田中日出照茅屋園林作
種養愚蒙雖云無一資罇酌會不空且忻百穀
成仰嘆造化功出入與民伍作事靡不同時伐
南澗竹夜還澧水東貧蹇自成退豈爲高人蹤
覽君金玉篇彩色發我容一作蒙日日欲爲報方

歷一作春已徂冬

荅崔都水

深夜竹庭雪孤燈案上書不遇無爲化一作法誰
復得閑居

酬令狐司錄善福精舍見贈

野寺望山雪空齋對竹林我以養愚地生君道
者心

澧上精舍荅趙氏外生伉

遠跡出塵表寓身雙樹林如何小子伉一作弟亦
有超世心擔書從我遊携手廣川陰雲開夏郊
綠景晏青山沉對榻遇清夜獻詩合一作雅音

所推苟禮數於性道豈深隱拙在冲默經世時
古今無爲率爾言可以致華簪

答趙氏生伉

暫與雲林別忽陪鷺鷥翔看山不得去知爾獨
相望

答端

郊園夏雨歇閑院綠陰生職事方無効幽賞獨
違情物色坐如見離抱悵多盈況感涼氣聞
此亂蟬鳴

答史館張學士段柳庶學士集賢院

五

五

十

看花見寄兼呈柳學士

班揚秉文史對院自爲隣餘香掩閣去遲日看
花頻似雪飄閭闔從風點近臣南宮有芳樹不
並禁垣春

答王郎中

卧閣在芳藻覽旨悵秋晨守郡猶羈寓無以慰
嘉賓野曠歸雲盡文清曉露新池荷涼已至窓
梧落漸頻風物殊京國邑里但荒榛賦繁屬軍
興政拙媿斯人髦士久臺閣中路一漂淪歸當
列盛朝明作豈念卧淮濱

荅崔都水

亭亭心中人迢迢居秦關常緘素札去一作問適

枉華章還憶在澧郊時携手望秋山久嫌官府

勞初喜罷秩閑終年不事業寢食長慵頑不知

為時來一作何為來名籍挂郎間攝衣辭田里華簪

耀頽顏卜居又依仁日夕正追攀牧人本無術

命至苟復遷離念積歲序歸途眇山川郡齋有

佳月園林含清泉同心不在宴罇酒徒盈前覽

君陳迹遊詞意俱悽妍忽忽已終日將謝不能

宣甿稅況重疊公門極熬煎責逋甘者免一作退

歲晏當歸田勿厭守窮轍一作勿厭守窮賤慎為名所

牽

荅王卿送別

去馬嘶春草歸人立夕陽元知數日別要使兩

情傷

荅裴丞說歸京所獻

執事頗勤久行去亦傷乖家貧無僮僕吏卒升

寢齋衣服藏內篋藥草曝前階誰復知次第淺

落且安排還期在歲晏何以慰吾懷

荅裴處士

遺民愛精舍乘犢入青山來署高陽里不遇
衣還禮賢方化俗聞風自款關況子逸群士
息蓬蒿問

荅楊奉禮

多病守山郡自得接嘉賓不見三四日曠若十
餘旬臨觴獨無味對榻已生塵一詠舟中作灑
雪忽驚新煙波見棲旅景物具昭陳秋塘唯落
葉野寺不逢人白事廷吏簡閑居文墨親高天
池閣靜寒菊霜露頻應當整孤棹歸來展殷勤

荅端

三十一

韋五

十一

坐憶故園人已老寧知遠郡鴈還來長瞻西北
是歸路獨上城樓日幾迴

荅僮奴重陽二甥

僮奴趙氏甥仇重陽崔氏甥播

棄職曾守拙翫幽遂忘喧山澗依磽壻竹樹蔭
清源貧居煙火濕一作絕歲熟梨棗繁風雨飄茅

屋蒿草沒瓜園群屬相歡悅不覺過朝昏有時
看禾黍落日上秋原飲酒任真性揮筆肆狂言
一朝忝蘭省三載居遠藩復與諸弟子籍籍翰每

相勦匹園休習射南池對芳罇山藥一作茵

經

碧海榴凌霜翻念尔不同此悵然復一論重

守故家個子旅湘沅俱有緘中藻惻惻動離貞
不知何日見衣上淚空存

荅重陽

省札陳往事愴憶數年中一身朝北闕家累守
田農望山亦臨水暇日每來同性情一踈散園
林多清風忽復隔淮海夢想在澧東病來經時
節起見秋塘空城郭連榛嶺鳥雀噪溝叢坐使
驚霜鬢撩亂已如蓬

顧十二左遷過韋蘇州房杭州韋睦州

三使君皆有郡中燕集詩辭章高麗

高麗

十三

鄙夫之所仰慕顧生既至留連笑語
因亦成篇以繼三君子之風焉

信州刺史劉 太真 上

寵至乃不驚罪及非無由奔迸歷畏途緬邈赴
偏荒一作陬牧此彫弊疇屬當賦斂秋風興諒無
補旬暇焉敢休前日懷友生獨登城上樓迢迢
西北望遠思不可收今日車騎來曠然銷人憂
晨迎東齋飯晚度南溪遊以我碧流水泊君清
翰舟莫將遷客程不為勝境留飛札謝三守斯
篇希見誦

酬劉侍郎使君

瓊樹凌霜雪，萋萋如芳春。英賢雖出守，本自下
階人。宿昔陪郎署，出入仰清塵。孰云俱列郡，比
德豈為鄰。風雨飄海氣，清涼悅心神。重門深夏
晝，賦詩延眾賓。乃以歲月舊，每蒙君子親。繼作
郡齋什，遠贈荆山珍。一作山城庶務理遊眺，景
物新朋友亦遠。集燕酌在佳辰，始唱已慙拙。將
酬益難伸，濡毫意偏俛。一用寫惰勤。

硤州旅舍奉懷蘇州韋郎中

公頻有尺書頗積離

鄉之思

令狐

嶺上

儒服學從政，遂為塵事嬰。銜命東復西，孰堪異
鄉情。懷祿且懷恩，策名敢逃名。羨彼農畝人，白
首親女并。江山入秋氣，草木彫晚榮。方塘寒露
凝，旅館涼飈生。懿交守東吳，夢想聞頌聲。雲水
方浩浩，離憂何時平。

荅令狐侍郎

一凶迺一吉，一是復一非。孰能逃斯理，亮在識
其微。三黜故無愠，高賢當庶幾。但以親交戀，音
容貌難希。况惜別離久，俱忻藩守歸。朝宴方陪

山川又乖違兵門冒海霧峽路凌連磯同會
在京國相望涕沾衣明時重英才當復列彤闈
白玉雖塵垢拂拭還光輝

酬張協律

昔人鬻春地今人復一賢屬余藩守日方君卧
病年麗思阻文一作交宴芳蹤闕賓筵經時豈不
懷欲往事屢牽公府適煩倦開緘瑩新篇非將
握中寶何以比其妍感茲棲寓詞想復病瘵纏
空宇風霜交幽居情思綿當以貧非病孰云白
未立邑中有其人憔悴即我愆由來牧守重英
俊得薦延匪人等鴻毛斯道何由宣遭時無早
晚蘊器俟良緣觀文心未衰勿藥疾當痊一云當自痊
晨期簡牘罷馳慰子忡然

即事奉呈郎中使君

東海釣客試必書省校書郎秦系

久卧雲間已息機青袍忽著神鷗飛詩興到來
無一事郎中今有謝玄暉

答秦十四校書

知掩山扉三十秋魚鱗翠珉石弃牀頭莫道謝公
方在郡五言今日爲君休

次韻

斜月纔鑒帷凝霜偏冷枕持情須耿耿故作單
牀寢

荅鄭騎曹青橘絕句

一作故人重九日
求橘書中戲贈

憐君卧病思新橘試摘猶酸亦未黃書後欲題
三百顆洞庭須待滿林霜

奉和聖製重陽日賜宴

聖心憂萬國端居在穆清立功致海晏錫讌表
文明恩屬重陽節雨應此時晴寒菊生池苑高
樹出宮城捧藻千官處垂戒百王程復覩開元
日臣愚獻頌聲

韋五

六

和吳舍人早春歸沐西亭言志

曉漏戒中禁清香肅朝衣一門雙掌誥伯侍仲
言歸一作伯仲亭高性情曠職密交遊稀賦詩

樂無事解帶偃南扉陽春美符澤旭霽望山暉
幽禽響日未轉一作好鳥東原綠猶微名雖列仙

爵心已遣一作塵機即事同巖隱聖渥良難違

奉和張大夫戲示青山郎

天生逸世姿竹馬不曾騎覽卷冰將釋接毫露
欲垂金貂傳幾葉玉樹長新枝榮祿何妨早甘

羅亦小兒

荅河南李士巽題香山寺

洛都游宦口少年携手行投杯起芳席總轡振
華纓關塞有佳氣巖開伊水清攀林憩佛寺登
高望都城蹉跎二十載世務各所營效賞長在
夢故人安得并前歲守九江恩召赴咸京因塗
再登歷山河屬清明寂寞僧侶少蒼茫林木成
墻宇或崩剝不見舊題名舊遊况存歿獨此淚
交橫交橫誰與同書壁貽友生今茲守吳郡綿
思方未平子復經陳迹一感我深情遠蒙惻愴
篇中有金玉聲反覆終難忘金玉尚為輕

荅故人見論

素寡名利心自非周圓器徒以歲月資屢蒙藩
條寄時風重書札物情敦化負遺機杼十縑單慵
踈百函愧常負交親責且為一官累况本濩落
人歸無置錐地省己已知非枉書見深致雖欲
効區區何由枉其志

酬閻貞外陟

寒夜阻良覲叢竹想幽居虎符子已誤金丹子
何如醺集觀農暇笙歌聽訟餘雖蒙一言教自

憶道情疎

逢遇

長安遇馮著

客從東方來衣上灞陵雨問客何為來一作來何為

采山因買芥冥冥花正開一作滿賜賜鷺新乳昨

別今已春鬢絲生幾縷

將發楚州經寶應縣訪李二忽於州館

相遇月夜書事因簡李寶應

孤舟欲夜發祇為訪情人此地忽相遇留連意

更新停杯嗟別久對月言家貧一問臨邛今如

何待上賓

廣陵遇孟九雲卿

雄藩本帝都遊士多俊賢夾河樹鬱鬱華館千

里連新知雖蒲堂中意頗未宜忽逢翰林友歡

樂斗酒前高文激頰波四海靡不傳西施且一

笑衆女安得妍明月滿淮海哀鴻逝長天所念

京國遠我來君欲一作還又一作旋

淮上遇洛陽李主簿

結茅臨古渡卧見長淮流窻裏人將老門前樹

已秋寒山獨過鴈暮雨遠來舟日夕逢歸客

能忘舊游

路逢崔元二侍御避馬見招以詩戲贈
一臺稱二妙歸路望行壘俱是攀龍客空為避
馬人見招翻跼踖相問良殷勤日日吟趨府彈
冠豈有因

逢楊開府

少事武皇帝無賴恃恩私身作里中橫家藏亡
命兒朝持一作拊樗蒲一作暮竊東鄰姬司隸不
敢捕立在登一作白玉墀驪山風雪夜長揚羽獵
時一字都不識飲酒肆頃凝武皇升仙去憔悴

被人欺讀書事已晚把筆學題詩兩府始收跡
南宮謬見推非才果不容出守撫婢嫠忽逢楊
開府論舊涕俱垂坐客何由識唯有故人知

休假日訪王侍衛不遇

九日驅馳一日閑尋君不遇又空還恠來詩思
清人骨門對寒流雪滿山

因省風俗訪道上姪不見題壁

去年澗水今亦流去年杏花今又拆山人歸來
問是誰還是去年行春客

蘇州集卷第六

蘇州刺史韋 應物

懷思

有所思

借問堤上柳青青為誰春空遊昨日地不見昨日人
繚繞萬家井往來車馬塵莫道無相識要非心所親

暮相思

朝出官不還暮歸花盡發豈無終日會惜此花間月空館
忽相思微鍾坐來歇步或作未

夏夜憶盧嵩

霽霽高館暮開軒滌煩襟不知湘雨來蕭灑在幽林灑云不知微蕭灑山鳥鳴幽林炎月得涼夜芳罇誰與斟
故人南北居累月間徽音人生無閑日歡會當在今反側候天日層城苦沉沉

春思

野花如雪繞江城坐見年芳憶帝京閨闔曉開凝碧樹曾陪鴛鴦聽流鶯

春中憶元二

雨歇萬井春柔條已含綠徘徊洛陽陌惆悵杜



陵曲遊絲正高下啼鳥還斷續有酒今不同
君瑩如玉

懷素友子西

廣陌並遊騎公堂接華襟方歡遽見明永日獨
沉吟階暝流暗馱氣踈露已侵層城湛深夜片
月生幽林往款良未遂來覲曠無音恒當清觴
宴思子玉山岑耿耿何以爲密言空委心

對韓少尹所贈硯有懷

故人謫遐遠留硯寵斯文白水浮香墨清池滿
夏雲念離心已永感物思徒紛未有桂陽使裁

書一報君

片晦憶去年與親友曲水遊燕

晦賞念前歲京國結良儔騎出宣平里飲對曲
池流今朝隔天末空園傷獨遊雨歇林光變塘
綠鳥聲幽凋畝積浦稅華鬢集新秋誰言癡虎
符終當還舊丘

清明日憶諸弟

冷食方多病開襟一忻然終令思故郡煙火滿
晴川杏粥猶堪食榆羹已稍煎唯恨乖親燕
慶此芳年

池上懷王卿

幽居捐世事佳雨散園芳入門靄已綠水禽鳴
春塘重雲始成夕忽霽尚殘陽輕舟因風泛野
閣望蒼蒼私燕阻外好臨歡一停觴茲遊無時
盡旭日願相將

立夏日憶京師諸弟

改序念芳辰煩襟倦日永夏木已成陰公門書
恒靜長風始飄閣豐雲纔吐嶺坐想離居人還
當惜徂景一作光景

曉至園中憶諸弟崔都水

山郭恒悄悄林月亦娟娟景清神已澄一作澄事
簡慮絕牽秋塘徧衰草曉露洗紅蓮不見心所
愛茲賞豈爲妍

懷琅琊深標二釋子

白雲埋大壑陰崖滴夜泉應居西石室月照山
蒼然

雨夜感懷

微雨灑高林塵埃自蕭散耿耿心未平沉沉夜
方半獨驚長簟冷遽覺愁鬢換誰能當此
有盈襟歎

雲陽館懷谷口

清泚階下流云自谷口源念昔白衣士結廬在
石門道高杳無累景靜得忘言山夕綠陰滿世
移清賞存吏役豈遑暇幽懷復朝昏雲泉非所
濯蘿月不可援長往遂真性暫遊恨畀喧出身
既事世高躅難等論

憶澧上幽居

一來當復去猶此厭樊籠况我林栖子朝服坐
南宮唯獨問啼鳥還如澧水東

重九登滁城樓憶前歲九日歸澧上赴

二十七

年六

四

崔都水及諸弟讌集悽然懷舊

今日重九讌去歲在京師聊迴出省步一赴郊
園期嘉節始云邁周辰已及茲秋山滿清景當
賞屬乖離凋散民里闕摧翳衆木衰樓中一長
嘯惻愴起涼颼

始夏南園思舊里

夏首雲物變雨餘草木繁池荷初帖水林花已
掃園縈叢蝶尚亂依閣鳥猶喧對此殘芳月憶
在漢陵原

登蒲塘驛泂路見泉谷村墅忽想京

舊居追懷昔年

青山導騎遶春風行旆舒均徭視屬戒問疾
里間煙水依泉谷川陸散樵漁忽念故園日復
憶驪山居荏苒斑鬢及夢寢婚官初不覺平生
事咄嗟二紀餘存沒闕已永悲多歡自疎高秩
非為美闡干淚盈裾

行旅

經函谷關

洪河絕山根單軌出其側萬古為要樞往來何
時息秦皇既恃險海內被吞食及嗣同覆顛咽

書六

五

喉莫能塞炎靈詎西駕婁子非經國徒欲扼諸
侯不知恢至德聖朝及天寶豺虎起東北下沉
戰死魂上結窮冤色古今雖共守成敗良可識
藩屏無俊賢金湯獨何力馳車一登眺感慨中

自慙

經武功舊宅

茲邑昔所遊嘉會常在目歷載俄二九始往今
來復感感居人少茫茫野田綠風雨經舊墟毀
垣迷往躡門臨川流駛樹有羈雌宿多累
往長年覺時速欲去中復留徘徊結心曲

往雲門郊居塗經迴流作

茲晨廼休暇適往田家廬原谷徑塗澁春陽草
木敷纔遵板橋曲復此清澗紆巖壑方見射迴
流忽已舒明滅泛孤景杳靄含夕虛無將爲邑
志一酌澄汰餘

乘月過西郊渡

遠山含紫氛春野靄云暮值此歸時月留連西
澗渡謬當文墨會得與羣英遇賞逐亂流翻心
將清景悟行車儼未轉芳草空盈步已舉候亭

卷之三

卷六

六

猶愛村原樹還當守故肩恨恨乘幽素

晚歸澧川

凌霧朝閭闔落日返清川簪組方暫解臨水一
脩然昆弟忻來集童稚滿眼前適意在無事携
手望秋田南嶺橫爽氣高林繞遙阡野廬不
理翳翳起荒煙名秩斯逾分廉退媿不全已想
平門路晨騎復言旋

授衣還田里

公門懸甲令澣濯遂其私晨起懷愴恨野田寒
時氣收天地廣風淒草木衰山明始重巖

淺更透迤煙火生閭里禾黍積東菑終然可
業時節一來斯

夕汝盱眙縣

落帆逗一作透淮鎮停舫臨孤驛浩浩風起波冥
冥日沉夕人歸山郭暗鴈下蘆洲白獨夜憶秦
關聽鐘未眠客

春月觀省屬城始憩東西林精舍

因時省風俗布惠迨高年建華出潯陽整駕遊
山川白雲歛晴壑羣峯列遙天欽崎石門狀杳
靄香爐煙榛荒屢冒星遙側始覆顛方臻釋氏

三十七

卷六

七

廬時物屢華妍曩遠昔經始於茲闕幽玄東西
竹林寺灌注寒澗泉人事既云泯歲月復已綿
殿宇餘丹紺磴閣峭欹懸佳士亦棲息善身絕
塵緣今我蒙朝寄教化敷里郵道妙苟爲得出
處理無偏心當同所尚跡豈辭纏牽

自蒲塘驛迴駕經歷山水

館宿風雨滯始晴行蓋轉潯陽山水多草木俱
紛衍崎嶇緣碧澗蒼翠踐蒼苔高樹夾潺湲
石橫陰巘野杏依寒拆餘雲冒嵐淺性慙形
勞境殊路遺緬憶昔終南下佳遊亦屢展

下流暮紛思何由遣

山行積雨歸塗始霽

攬轡窮登降陰雨遘二旬但見白雲合不睹巖
中春急澗豈易揭峻塗良難遵深林猿聲冷沮
洳虎跡新始霽升陽景山水閱清晨雜花積如
霧百卉萋已陳鳴騶屢驥首歸路自忻忻

感嘆

傷逝

此後數逝哀傷十九首盡回
德精舍舊志傷懷時所作

染白一為黑焚木盡成灰念我室中人逝去亦
不迴結髮二十載賓敬如始來提携屬時屯契

書六

闊憂患災柔素亮為表禮章夙所該仕公不及
私百事委令才一旦入閨門四屋滿塵埃斯人
既已矣觸物但傷摧單居孩時節泣涕撫嬰孩
知妄謂當遣臨感要難裁夢想忽如睹驚起復
徘徊此心良無已遶屋生蒿萊

任昌平傷懷

晨起凌嚴霜慟哭臨素帷駕言百里塗惻愴復
何為昨者仕公府屬城常載馳出門無所憂返
室亦熙熙今者掩筠扉但聞童稚悲丈夫須出
入顧爾內無依銜恨已酸骨何況苦寒時單車

路蕭條迴首長凌遲飄風忽截野嘹啖鴈起
昔時同往路獨往今詎知

出還

昔出喜還家今還獨傷意入室掩無光銜哀寫
虛位悽悽動幽慢寂寂驚寒吹幼女復何知時
來庭下戲咨嗟日復老錯莫身如寄家人勸我
食對桮空垂淚

冬夜

杳杳日云夕鬱結誰爲開單衾自不暖霜霰已
皚皚晚歲淪夙志驚鴻感深哀深哀當何爲桃
李忽凋摧幃帳徒白設冥冥豈復來平生雖恩
重遷去託窮埃抱此女曹恨顧非高世才振衣
中夜起河漢尚徘徊

送終

奄忽逾時節日月獲其良蕭蕭車馬悲祖載發
中堂生平同此居一旦異存亡斯須亦何益終
復委山岡行出國南門商望鬱蒼蒼日入乃云
造慟哭宿風霜晨遷俯玄廬臨訣但遲遑方當
永潛翳仰視白日光俯仰遽終畢封樹已荒涼
獨留不得還欲去結中腸童稚知所失啼號哭

我裳卽事猶蒼卒歲月始難忘

除日

思懷耿如昨季月已云暮勿驚年復新獨恨人
成故冰池始泮綠梅援一作還飄素淑景方轉
延朝朝自難度

對芳樹

迢迢芳園樹列映清池曲對此傷人心還如故
時綠風條灑餘靄露葉承新旭佳人不再攀下
有往來躅

月夜

三三女

卷六

皓月流春城華露積芳草坐念綺窓空翻傷清
景好清景終若斯傷多人自老

歎楊花

空蒙不自定況值暄風度舊賞逐流年新愁忽
盈素纒紫下苑曲稍滿東城路人意有悲歡時
芳獨如故

過昭國里故第

不復見故人一來過故宅物變知景暄心傷覺
時寂池荒野筠合庭綠幽草積風散花意謝鳥
還一作山光夕宿昔方同賞詎知今念昔緘室

在東廂遺器不忍覲弄翰全分意芳巾尚染澤
殘工委篋篋餘素經刀尺收此還我家將還復
秋惕永絕携手歡空存舊行迹冥冥獨無語杳
杳將何適唯思今古同時緩傷與戚

夏日

已謂心苦傷如何日方永無人不晝寢獨坐山
中靜悟澹將遣慮學空庶遺境積俗易爲侵愁
來復難整

端居感懷

沉沉積素抱婉婉屬之子永日獨無言忽驚振
衣起方如在幃室復悟永終已稚子傷恩絕盛
時若流水暄涼同寡趣卽晦俱無理寂性常喻
人滯情今在已空房欲云暮巢鷺亦來止夏木
遽成陰綠苔誰復履感至竟何方幽獨長如此

悲紈扇

非關秋節至詎是恩情改掩嘆人已無委篋涼
空在何言永不發暗使銷光彩

閑齋對雨

幽獨自盈抱陰淡亦連朝空齋對高樹踈雨共
蕭條巢鷺翻泥濕蕙花依砌消端居念往事燦

忽苦驚飈

林園晚霽

雨歇見青山，落日照林園。山多一作夕煙鳥亂，
清風景翻提。攜唯子弟蕭，散在琴言同。遊不同
意耿耿，獨傷魂。寂寞鍾已盡，如何還入門。

秋夜二首

庭樹轉蕭蕭，陰蟲還戚戚。獨向高齋眠，夜聞寒
雨滴。微風時動牖，殘燈尚留壁。惆悵平生懷，
來交今夕。

霜露已淒淒，漫星漢復昭。回朔風中夜起，驚鴻千
里來。蕭條涼葉下，寂寞清砧哀。歲晏仰空宇，心
事若寒灰。

感夢

歲月轉蕪漫，形影長寂寥。髮鬢覲微夢，感嘆起
中宵。綿思霽流月，驚魂颯迴飈。誰念茲夕永，坐
令顏鬢凋。

同德精舍舊居傷懷

洛京十載別東林，訪舊扉山河不可望。存沒意
多違，時遷跡尚在同去。獨來歸還見，窓中鶴日
暮。遶庭飛。

悲故交

白壁衆求瑕素絲易成汙萬里顛沛還高堂
長暮積憤方盈抱纏哀忽逾度念予從此終
泉竟誰訴一爲時事感豈獨平生故唯見荒
原野草塗朝露

張彭州前與緱氏馮少府各惠寄一篇
多故未答張已云沒因追哀叙事兼遠

簡馮生

君昔掌文翰西域復石渠朱衣乘白馬輝光照
里閭余時忝南省接讌媿空虛一別守茲郡蹉

二十一

卷六

十三

跽歲再除長懷關河表永日簡牘餘郡中有方
塘涼閣對紅蕖金玉蒙遠規篇詠見吹噓未若
平生意已沒九原居秋風吹寢門長慟涕漣如
覆視緘中字奄爲昔人書髮鬢已云白交友日
彫踈馮生遠同恨憔悴在田廬

東林精舍見故殿中鄭侍御題詩追舊
書情涕泗橫集因寄呈閻灋州馮少府

仲月景氣佳東林一登歷中有故人詩淒涼在

高壁精思長懸懷

一作懷

世音容已歸寂墨澤傳灑

餘磨滅親翰跡平生忽如夢百事皆成昔結騎

京華年揮文篋司積朝庭重英彥時輩分珪璧
永謝栢梁陪獨闕金門籍方嬰存沒感豈暇林
泉適雨餘山景寒風散花光夕新知雖滿堂故
情誰能覲唯當同時友緘寄空悽感

同李二過亡友鄭子故第

李與之故非子所載

客車名未滅沒世恨應長斜月知何照幽林判
自芳故人驚逝水寒雀噪空牆不是平生舊遺
蹤要可傷

話舊

亭中對兄弟話蘭陵崇賢懷真已來故事泫然而作

存亡三十載事過悉成空不惜霜衣淚併話一

二
宵中

書年六

十四

宵中

至開化里壽春公故宅

寧知府中吏故宅一徘徊歷階存往敬瞻位泣
餘哀廢井沒荒草陰牖生綠苔門前車馬散林
復昔時來

睢陽感懷

豺虎犯天綱昇平無內備長驅陰山卒略踐三
河地張侯本忠烈濟世有深智堅壁梁宋間遠
籌吳楚利窮年方絕輸鄰援皆携貳使者哭其
庭救兵終不至重圍雖可越藩翰諒難奔飢殍

待危巢懸命中路墜甘從鋒刃斃莫奪堅貞志
宿將降賊庭儒生獨全義空城唯白骨同往無
賤責哀哉豈獨今千載當歎歎

廣德中洛陽作

生長太平日不知太平歡今還洛陽中感此方
苦酸飲藥本攻病毒腸翻自殘王師涉河洛玉
石俱不字時節屢遷斥山河長鬱盤蕭條孤煙
絕日入空城寒蹇劣乏高步緝遺守微官西懷
咸陽道躑躅心不安

閭門懷古

獨鳥下高樹遙知吳苑園淒涼千古事日暮倚
閭門

感事

霜雪皎素絲何意墜墨池青蒼猶可濯黑色不
可移女工再三嘆委弃當此時歲寒雖無褐機
杼誰肯施

感鏡

鑄鏡廣陵市菱花匣中發宿上且嘗許人鏡成人
已沒如冰結圓器類璧無絲髮形影終不臨清
光殊不歇一感平生言松枝樹秋月

歎白髮

還同一葉落對此孤鏡曉絲縷乍難分楊花復
相逸時役人易衰吾年白猶少

蘇州集卷第六



蘇州集卷第六



